

Las baselgias perdan aderents

Adina dapli personas decleran uffizialmain dad esser senza confessiun

DA MARTIN CABALZAR / FMR

■ **La cumpart da las cuminanzas musulmanas ed islamas è s'augmentada tranter 2010 e 2018 mo per in pertschient. Il pli fitg crescha la gruppa da las personas senza religiun.** Quai sa resulta d'ina publicaziun recenta da l'Uffizi federal per statistica. L'onn 1970 appartegnevan anc 100 pertschient da la populaziun svizra ad ina da las duas baselgias statalas, radund la mesadad a la baselgia roman-catolica, l'autra mesadad a la baselgia evangelica. Silsuenter han tuttas duas confessiuns pers cuntinuadamain aderents, la baselgia reformada in zichel pli spert che la catolica. Oz appartegnan 24,4 pertschient da la populaziun a la baselgia evangelic-reformada e 36,5 pertschient a la baselgia roman-catolica. Da 2010 fin 2018 è il dumber da catolics sa reduci per trais pertschient, quel dals reformads per tschintg pertschient.

Tar ils protestants «uffizials» tutgan era differentas gruppas evangelicalas che vegnan magari era numnadas «sectas». A quellas appartegnan per exempel cun ina cumpart da 0,6 pertschient ils pietists (novs) e mintgamai cun 0,4 pertschient las cuminanzas da Tschuncaisma u a cuminanzas apocaliptas. Sco quai che l'Uffizi federal per statistica ha erui cumpeglian quels summa summarum ina cumpart da 7,5 pertschient da la populaziun svizra. Quai è marcantamain dapli ch'ils aderents actuals da gruppas musulmanas ch'èn represchentadas cun 5,2 pertschient.

Da cretta giudaica èn vinavant 0,3 pertschient da la populaziun svizra, pia damain che las gruppas da budists e hinduists ch'han ina cumpart da 0,5 e 0,6 pertschient. La «confessiun» che crescha il pli fitg è la gruppa dals senza cardientscha. Lur cumpart è creschida per otg pertschient, ina quarta da la populaziun svizra appartegnan en il fratemp a questa gruppa.

Il Muselmans pratitgeschan il pli darar lur religiun

Il pli derasada e l'absenza religiosus cunzun tar ils immigrants provegnients d'Oceania (ca. 70 pertschient), Frantscha (flaivel 60 pertschient), Germania



Las baselgias statalas e la religiun han adina pli pouca relevanza en la societad contemporanea.

FOTO P. DE JONG

(50%), ed ils Stadis Unids (bun 40%). Da personas cun ragischs en ils Stadis dal Balcan e da la Subsahara/Africa renunzia percenter mo mintga dieschavel a la religiun.

La decleranza da cardientscha è ina chausa, ella sto dentant era vegnir pratigada. Il pli darar frequentan – betg sorprendentamain – ils senza confessiun in cult divin. Passa 60 pertschient n'han frequentà nagins arranschaments religiosus u liturgics en il decurs dals ultims 12 mais. En il segund rang da tals che na frequentan betg reuniuns religiosas chattain nus ils Muselmans. Trais quartas dad els frequentan mai u mo fin maximal tschintg giadas l'onn ina tala reuniun. Fitg premuradas èn percenter las cuminanzas evangelicalas. Passa 70 pertschient da lur aderents s'inscuntran minimum ina giada l'emna per lur servetsch divin. Il medem vala era per il far uraziun. Dals commembers da plaivs muslimas n'han 40 pertschient betg fatg uraziun en ils ultims 12 mais. Tar ils protestants èn quai 34 pertschient, tar ils catolics 26 pertschient. Cuntrari a questas tendenzas generalas fa ina terza dals evangelicals uraziun schizunt pliras giadas al di.

Las dunnas èn pli cartentas, dentant era pli superstiziusas

En general uzan cunzun las dunnas la cumpart procentuala dals praticants religiosus. Mintga terza dunna fa mintga di, u bunamain mintga di, uraziun. Tar ils umens è quai mo mintga tschintgavel. 58 pertschient da las dunnas crain en anghels ed en creatiras sumegliantas, tar ils umens èn quai mo 37 pertschient. Sumegliant statti cun la cardientscha en divinaders e guariders. Praticas spiritualas vegnan exercitadas dad ina quarta da las dunnas, entant che 90 pertschient dals umens considereschon talas praticas cun sceptica.

En muments fitg difficils – tar mal-sogna e mort – chatta tuttina dapli che la mesadad da las personas da tuttas duas schlattainas tegn e sustegn ed era confiert en la cardientscha. En dumondas da l'educziun dals uffants e da la natira ha in zichel pli paucas personas, dentant anc adina passa 40 pertschient ina tenuta cartenta. Malgrà la digren dals aderents da confessiuns e baselgias sa fida la finala anc adina mintga sisavla personas sin Dieu sch'i va per la sexualitad u per votaziuns.